



TE KURA KAUPAPA MĀORI O NGĀ MOKOPUNA

HE PUNA KŌRERO

“Ko te Aho Matua te tāhuhu o tōku whare. Ko te reo, me ōna tikanga, ngā heke, whakamaui. Ko te whānau, te whanaungatanga ngā pou.”

KŌHUNGAHUNGA TEINA

Kei te ako te akomanga Kōhungahunga Teina i ngā wāhanga o te tinana.
E noho ohoo ana ngā tamariki ki te ako, ki te wānanga i ngā āhuatanga rerekē,
ki te tohaina i o rātou ake whakaaro mō ēnei momo mea, waihoki,
te tūhura o rātou kitenga mō ngā wāhanga o te tinana.












Ka rāngona i tā rātou puna auaha i a rātou e waihanga-ā-rōpū nei i tā rātou ake whiti mō te waiata ūpoko, pakihwi, puku.. he rautaki āwhina ngā tamariki ki a mau rātou ki ngā wāhanga o te tinana.

Ūpoko
pakihwi
puku
hope
waewae
tāringa
whatu
ihu
waha e

Kaki
korokoro
tuara
mātiwae
rae
tukemata
kauae e

poho
rārā
kumu
pona
ringaringa
whati-ringa
raparapa e

kēkē
hīkari
rekereke
tuke
roro
manawa
kapuringa e



Takirua



Rere Atu Taku Poi!



*“Whiua atu rā aue
Ki te tī, ki te tā
Takiri ana ki runga
o rangi
Paopao piu ana
Aue hi, aue hā”*

Arotake – Takirua Whakaari

Kai whea mai ngā mihi ki ngā Kaiwhakaari me ngā Kaiwhakahaere o Takirua i tae mai ki te whakaatu i ta rātau whakaari ki a mātau i te Mane kua hori.

He mea whakaputa i a rātau ngā āhuatanga e kitea ana, e rangona ana e ngā rangatahi ki te kāinga, ki ngā kura, ki roto i tō rātau ao kapa haka hoki. Ko te kaupapa matua i puta mai, ko ngā taupatupatu o te tu a te tāne ki te mahi i te poi. Ko ngā pānga hoki ka wheakohia e te tāne e kaha tauwhiro nei i tōna taha ira wahine.

Kia mārama hoki tātau, e toru ngā wāhanga kai roto i ia o tātau te Ira tangata. Ko te ira wahine, ko te ira tāne, ā, ko te ira atua. Hei te mutunga iho he mea hāngai te whakaari nei ki te mātāpono o Te Ira Tangata.




(1.5) He tapu te tangata ahakoa ko wai. Kōhungahunga mai, tamariki mai, taipakeke mai, kaumātua mai, he tapu katoa. Kia kaua te hunga o ngā Kura Kaupapa Māori e tūkino, e whakaiti, e whakaparahako i te tangata, e mahi pūhaehae rānei ki ētahi atu. Kia ngākau mahaki rātou ki a rātou, ki te iwi whānui, ki a Tuiwi hoki.



“HE MĀTAI PŪHANGA TĀTOU” AQUABOTS

I tēnei Taite, ka timata ngā tīma ‘Aquabots’ e rua ki te hanga i ā rātou karetao rukuwai. Ko te karetao rukuwai tētehi pūrere e whakamahia ana e ngā kaipūtaiao hei aro ki ngā kaiao o te moana. I ako tātou i ngā tini pūkenga o te mahi mātai pūhanga, arā ko te ine, ko te kani, ko te wiri, ko te tūhoto me te kimi rongoā mō ngā raru kua puta (problem solving??). Heoi, i te mutunga iho, ko te akoranga nui ko te mahi ngātahi. Hei te wiki 6, ka tū te whakataetae ā-rohe karetao ki te puna kaukau ki Te Awa a Taia. E toru ngā mahi ki te whakataetae: he hautū karetao, he patapatai, he kauwhau i mua i ngā kaiwawao anō hoki. Ka reo Māori ngā mahi katoa. He mea tautoko tēnei kaupapa e tētehi rangatopu nō Te Ohu Kaimoana, e Tapuwae Roa.





Hōtaka - Wahanga 3

	Rāhina	Rātū	Rāapa	Rāpare	Rāmere	whakatā
wiki 1 14.07-20.07.25	Mānawatia a Matariki Pure 6am-1	Kauhoe 1.00-3.00pm				TAoWh ki Wairarapa
wiki 2 21.07-27.07.25	Takirua Akautangi	Kauhoe 1.00-3.00pm				TAoWh ki Wairarapa
wiki 3 28.07-03.08.25		Kauhoe 1.00-3.00pm	PSW Pōroringa		Akautangi	TAoWh ki TamakiNa2 Akautangi
wiki 4 04.08-10.08.25		Kauhoe 1.00-3.00pm	Hui whānau		Whakataetae TAoWh	Wananga TAM (TBC)
wiki 5 11.08-17.08.25	Akautangi	Kauhoe 1.00-3.00pm	EZ Poitarawhiti			Wananga TAM (TBC) MKT - noho
wiki 6 18.08.25- 24.08.25	Akautangi	Kauhoe 1.00-3.00pm				
wiki 7	Akautangi					
wiki 8				Whakaharata u MKT		
wiki 9		EZ kauhoe	PSW POIWHANA	PSW POIWHANA	PSW POIWHANA	MKT - NOHO
wiki 10		Manu kōrero a motu EZ kauhoe	EZ haupoi			Wananga TAM (TBC)





Kākahu Kura

Ki te tono mai mo ngā kākāhū hākinakina, kura rānei tuku imera ki te [Tari Kura](#) me ngā momo e hiahia ana. tari@tkmmokopuna.school.nz

KĀKAHU HĀKINAKINA	KĀKAHU KURA TUATAHI	KĀKĀHŪ KURA WHAREKURA
<u>Tihāte hākinakina</u> Size 2-16 \$20 + \$8.50 (ingoa - tuatahi, ingoa whānau, karekau rānei) <u>Hoodies Tamariki:</u> \$35 + \$8:50 (ingoa tuatahi, ingoa whānau rānei) <u>Hoodies Pakeke:</u> \$45 + \$8:50 (ingoa tuatahi, ingoa whānau, karekau rānei) <u>Tarau poto (sublimated)</u> \$45 each	<u>Hāte kura</u> Size 4-16 Utu: \$27.60-\$34.50 <u>Poraka Kura</u> Size 4-16 Utu: \$54.62 <u>Tarau poto</u> Size 4-S Utu: \$34.50 <u>Tarau roa</u> Size 4-16 Utu: \$37.95 <u>Kōti kura</u> Size 2-16 Utu: \$86 <u>Ringa poto (Vest)</u> Size 4-16 Utu: \$46 <u>Pōtae Kura</u> Size 55cm-59cm Utu: \$5	<u>Tihāte kura (polo)</u> Size 12-XXL Utu: \$30 <u>Poraka Kura (hoodie)</u> Size 12-XXL Utu: \$60 <u>Hāte Mā (white shirts)</u> Rahi: 10 + Utu: \$24.72- \$25.87 <u>Poraka Ōkawa (long sleeve jersey)</u> Size 77-102cm + Utu: \$56.22- \$54.04 <u>Poraka Ōkawa (short sleeve vest)</u> Size 87-107cm + Utu: \$46-\$51.70 <u>Here kaki (tie)</u> Size 2-16 Utu: \$30.67 <u>Pōtae kura</u> Size 55cm-59cm Utu: \$5 <u>Tarau poto pango</u> Kei Warehouse, school tex ētahi



Kura katoa - koinei ngā hū e tika ana ki te kura mai i ngā kōhungahunga ki ngā wharekura.

Kei te kite mātou kei te mau mai ngā hū rerekē rawa ki te kura. He maumaharatanga noa tēnei i ngā āhuatanga e tika ana mo ngā hū kura. Ko te mea nui he pango ngā hū ahakoa hū pāraerae, hū hākinakina, hū ōkawa rānei. Mehemea he kākāhū ōkawa, ko ngā hū ōkawa. Mehemea he kākāhū ōpaki e whakaae ana ko ngā hū hākinakina pango kia pai ai te takaro a ngā tamariki. Mehemea e hiahia ana ka whakaae hoki ki ngā hū paraerae (black back strapped school sandals)

